

ՀՈՒՆԳԱՐԱՅԱՅ ԲԺԻՇԿՆԵՐԸ  
(XVIII դար – XX դարի սկիզբ)

ՀԱՐՈՒԹՅՈՒՆ ՄԻՆԱՍՅԱՆ

Հայերը Հունգարիայում բնակություն են հաստատել սկսած X դ.: XV–XVI դդ. շուրջ 3000 հայ ընտանիքներ Մոլդովայից տեղափոխվել են Հունգարիա: Հայերը Տրանսիլվանիայի իշխաններից ստացել են ղանադան արտոնություններ: Հայաշատ Գեոլա և Եղիսաբեթուպոլիս քաղաքներում նրանք ունեցել են ներքին ինքնավարություն՝ քաղաքային վարչություն, դատարան, հայ քաղաքագլուխ, կառուցել են եկեղեցիներ, հիմնադրել դպրոցներ, մատենադարան-գրադարաններ, թատրոն, հիվանդանոց և այլն:

Դարեր շարունակ ասլրելով Հունգարիայում, հայերը մասնակցել են երկրի քաղաքական, տնտեսական և մշակութային կյանքին: Կովել են երկիրը օսմանյան լծից ազատագրելու համար, մասնակցել են 1848–1849 թթ. հեղափոխությանը, եղել կամավորներ, կազմել են պահակաղորքեր, հայթայթել գենք-գինամթերք, հիմնել հոսպիտալներ և այլն:

Հայերը Հունգարիային տվել են բազմաթիվ երեկելի անհատներ, որոնք զգալի գեր են ունեցել գիտության ու արվեստի ամենատարբեր բնագավառներում: Հունգարական մշակույթի անքակտելի մասը կազմող բժշկությունը ևս անմասն չի մնացել հայերի ներդրումներից: Հունգարիայի բժշկության բնագավառում հայերի մատուցած մեծ ծառայությունը չէր կարող վրիպել հունգար բժիշկ-պատմաբանների ուշադրությունից: Ուստի պատահական չէ, որ Հունգարիայի ԳԱ և Բժշկության պատմության թանգարանի կողմից հրատարակվող «Հունգարիայի բժշկության պատմությունը» ամենամյա հանգեսի 1970-ական թվականների սկզբների համարներից մեկում տեղ է գտել Բալաշ Բուջիի/Բուդիի «Զիբենբուրգենի հայ բժիշկների դերը բժշկագիտության պատմության մեջ» գերմաներեն հոդվածը: Նա գրում է, որ Սամոշուլյարի և այլ բնակավայրերի հայկական դպրոցների շրջանավարտները Վիեննայում մեծ մասամբ իրավաբանական և բժշկական կրթություն էին ստանում: Հայ բժիշկների թիվը այնքան է մեծացել, որ Սամոշուլյարը և էրժեբեթվարոշը դարձել են Հունգարիայի լավագույն բժշկական կենտրոնները: Ուստի պատահական չէ, որ 1738 թ. Սամոշուլյարում հայերը հիմնադրել են Հունգարիայի առաջին դեղատունը: Հայ բժիշկները արժանացել են հունգարական արքունիքի բժշկական սպասարկման պատվին: Բալաշ Բուջին գրում է. «Հայ բժիշկների դերը Հունգարիայի բժշկության զարգացման գործում այնքան ակնառու է, որ անհրաժեշտ է այդ հարցին նվիրել առանձին ուսումնասիրություն»:

Ընթերցողի ուշադրությունն ենք ներկայացնում տարբեր աղբյուրներից հավաքած հունգարահայ 15 անվանի բժիշկների համառոտ կենսագրականները:

Աբրահամ Ադեոդատ: Հայտնի է նաև Ագեոդատ Պոտանիուշ-Աբրահամ կամ Գեդա Ագեոդատ կամ Պոտտանտյուշ անուններով: Իսկական անունը եղել է Ասատուր կամ Աստվածատուր Աբրահամյան: Ծնվել է 1835 թ., Հունգարիայի Շելմեցբանյա քաղաքում: 1846 թ. ավարտել է Համալսարանի բժշկական բաժինը և արժանացել բժշկության դոկտորի տիտղոսի: Ունեցել է պրոֆեսորի կոչում: 1870 թ. ընտրվել է Հունգարիայի հիգիենիստների միություն կենտրոնական խորհրդի անդամ: 1873, 1879, 1885 թթ., երեք անգամ երկուական տարով նշանակվել է Բուդապեշտի քաղաքապետը: Երկար տարիներ զբաղվել է Հունգարիայի մայրաքաղաքի կոմունալ և կենցաղային հիգիենայի խնդիրներով: 1869 թ. արժանացել է հիգիենիկ բժշկության գծով թաղավորական խորհրդականի կոչման: Եղել է նաև հոչակավոր վիրաբույժ: Երկար տարիներ եղել է Կոլոշվար քաղաքի վիրաբույժության ինստիտուտի ամբիոնի վարիչը: Աշխատել է նաև Բուդապեշտի համալսարանում: Հունգարիայի առողջապահական համակարգում վարել է բարձր պաշտոններ: Լինելով անվանի վիրաբույժ և հիգիենիստ, զբաղվել է նաև մեխանիկայով, եղել տեխնիկական գիտությունների դոկտոր: Դասավանդել է Բուդապեշտի պոլիտեխնիկական ինստիտուտում: Հեղինակ է 36 գրքի և 35 դիտական հոդվածների: Եղել է «Ճարտարագիտական տեղեկատու», «Տեխնիկա», «Հունգարական տեխնիկա», «Պոլիտեխնիկական ինստիտուտի տեղեկադիր» հրատարակությունների խմբագիրը: Հունգարիայում Ադեոդատ Պոտանիուշ-Աբրահամի անունով սահմանված է մրցանակ, որով պարգևատրվում են երկրի առավել ակնառու գյուտարարները:

Ագոնց Կարոյ: Ագոնցները դրվում է նաև Ակոնց կամ Հակոնց տարբերակներով: Ծնվել է 1861 թ., Հունգարիայի հայահոծ Կոլոժվար (այժմ Կլուժ) քաղաքում: Նախնական կրթությունը ստացել է Կոլոժվարում և Միբիուում: Ավարտել է Բուդապեշտի համալսարանի բժշկական բաժինը: Աշխատել է Թաուֆերի բուժարանում: Հետագայում աշխատել է Արագում: Երկար տարիներ եղել է Կոլոժվարի կանանց հիվանդանոցի և ծննդատան տնօրենը, Տրանսիլվանիայի պետական երկաթուղու բժշկապետը, համալսարանի պրոֆեսոր: Եղել է Հունգարիայի անվանի բժիշկներից մեկը: Հեղինակ է մի շարք գիտական աշխատությունների: Մահացել է 1925 թ.:

Ագոնց-Փոլիովիչ Ժորժ (Գեորգ): Բժշկական համալսարանն ավարտել է Վիեննայում, 1878 թ.: Եղել է զորավար:

Ավետիք Ստեփան: Ծնվել է 1804 թ. օգոստոսի 19-ին, Հունգարիայի Հայոց (հետագայում՝ Հարավսլավիայի) քաղաքում: 1831 թ. ավարտել է Վիեննայի համալսարանի բժշկական բաժինը և ստացել բժշկության դոկտորի տիտղոս: Ավարտաճառը 1831 թ. հրատարակվել է Միխիթարյան միաբանությունից, և համարվում է այդ բնագավառի ուշագրավ աշխատություններից մեկը: 1847-1848 թթ. ապրել է Վիեննայում: 1848 թ. ակտիվորեն մասնակցել է հեղափոխությանը, Վիեննայում նրա անունով

փողոց կա՝ Ավետիք: Եղել է գիտնական-ակնաբույժ և Հասարակական-պետական գործիչ: Ունեցել է պրոֆեսորի կոչում: Մահացել է 1884 թ., Վիեննայում:

**Բադրուպանի Գերգելի:** Իսկական անունը եղել է Գերգել, Գրիգոր կամ Գևորգ Բադրուպանյան կամ Պատրուբանյան: Ծնվել է 1830 թ. Հունգարիայի (Տրանսիլվանիայի) Հայաշատ էրթեբեթվարոչ (Եղիսաբեթուպոլիս, այժմ Ռումինիայի Դումբրեշվանի քաղաք) կամ Աամոչուվար (այժմ՝ Գեոլա) քաղաքում: Ավարտել է Բուզապեշտի Համալսարանի բժշկական բաժինը: Բժշկական գիտելիքները կատարելագործելով Վիեննայում, որպես պրակտիկ բժիշկ վերադարձել է Բուզապեշտ: 1856/59/60 թ. պաշտպանել է թեղ և արժանացել բժշկութան գոկտորի կոչման: 1863–73 թթ. եղել է Բուզապեշտի վակցինանների պետական ինստիտուտի տնօրենը և վակցինացիայի առաջատար մասնագետը: 1869 թ. Հաստատվել է Բուզապեշտում և ստացել պրիվատ (առտնին) պրոֆեսորի, ապա՝ պրոֆեսորի կոչում: Միաժամանակ Բուզապեշտում ղեկավարել է ուսման հիվանդանոցի բուժմամբ: 1869 թ. ընտրվել է Բուզապեշտի խորհրդարանի երեսփոխան: 1869 թ. նշանակվել է Հունգարիայի կայսեր խորհրդական: 1873, 1879, 1885 թթ. ընտրվել է Բուզապեշտի առաջատար քաղաքային բժիշկ: Եղել է Բուզապեշտի բժիշկների թագավորական ընկերության քարտուղարը: Հանդիսանալով Հունգարիայի առաջին բժիշկ-ուրբանիստը՝ մեծ ավանդ ունի երկրի, մասնավորապես մայրաքաղաք Բուզապեշտի կոմունալ հիգիենայի ղարգացման գործում: Եղել է ճանաչված գիտնական-հիգիենիստ և զբաղվել քաղաքային հիգիենայի ամենատարբեր խնդիրներով՝ օգի մաքրությունից մինչև բնակարանային պայմանների բարելավումը: Սկսել և հաջողությամբ անցկացրել է քաղաքի հյուղակները վերացնելու գործընթացը: Հունգարերեն է թարգմանել գերմանացի գիտնական Վիրխովի աշխատությունը բջջային ախտաբանության մասին: Զբաղվել է նաև Հայագիտությամբ: Մահացել է 1891 թ.: Նրա որդի Լուկաչը Հունգարիայի Հայագիտության առաջին պրոֆեսորն է:

**Բոբյան Հուլիոս:** Ապրել է XIX–XX դդ.: Աշխատել է Կրոսվարտայնիում: Լինելով բժիշկ, եղել է ազգային գործի հազարապետ:

**Գոպլա Լասլո:** Ազգանունը գրվել է նաև Կոպչա ձևով: Իսկական ազգանունը եղել է Գոպլայան: XVIII–XIX դդ. Հունգարիայի անվանի բժիշկներից մեկն է եղել:

**Գոպլա Յակոբ:** Ազգանունը գրվել է նաև Կոպչա ձևով: Իսկական ազգանունը եղել է Գոպլայան: Եղել է XVIII–XIX դդ. Հունգարիայի անվանի բժիշկներից մեկը:

**Դոնոգան Զաքարիա:** Իսկական անունն է Տոնականյան Զաքարիա: Ծնվել է 1868 թ., Հունգարիայի Շյուլեմետ քաղաքում: 1891 թ. ավարտել է Կոլոժվարի Համալսարանի բժշկական բաժինը և ստացել բժշկության գոկտորի տիտղոս: 1891 թ. աշխատել է Բուզապեշտի Համալսարանի ֆիզիոլոգիայի/քիթ-կոկորդ-ականջի հիվանդությունների ամբիոնում՝ որպես պրոֆեսորի ասիստենտ, հետագայում՝ պրոֆեսոր, ամբիոնի վարիչ: Ֆիզիոլոգիայի ինստիտուտում լինելով Նանդոր Կլյուզի ասիստենտը, գիտական ուսումնասիրություն է կատարել լարինգոսկոպիայի գծով: Երբ երիտա-

սարդ բժշկի աշխատանքի արդյունքները գերազանցում են ուսուցչի սպասելիքները, վերջինս ընդհարվելով հրաժարվում է նրա հետ աշխատելուց: Զաքարիաշը իր դիտական աշխատանքի ղեկավար գտնելու համար ստիպված է լինում տեղափոխվել այլ կլինիկա: Շուտով հանդիպում է պրոֆեսոր Կետլին, որը ոչ միայն ստանձնում է նրա աշխատանքի ղեկավարությունը, այլև միջնորդում է նրան Ֆինանսավորելու և եվրոպական բժշկական կենտրոններ գործուղելու համար: Բժշկական տարբեր հաստատություններում կատարել է ռենտգենաուլտրաքառանկան հետազոտություններ, որոնք նորություն էին այդ տարիների Եվրոպայի համար: 1905 թ. Բուդապեշտի համալսարանում պաշտպանել է գիտական թեզ «Վերին շնչառական օրգանների և թոքերի հիվանդությունների պատճառները» թեմայով: Համարվում է Հունգարիայի առաջին քիթ-կոկորդ-ականջաբույժը: Հեղինակ է շուրջ 50 գիտական աշխատությունների: Եղել է պետական և մասնավոր մի քանի կլինիկաների կոնսուլտանտ և գլխավոր բժիշկ: Բալաշ Բուրջան նրան անվանել է «Հունգարիայի հուշակավոր հայ բժիշկ»:

Հետաքրքիր է այն փաստը, որ մինչև 1905 թ. նա աշխատել է Բուդապեշտի քաղաքային օպերային թատրոնում: Մշակելով մեներգի կատարման ընթացքում շնչելու և արտաշնչելու յուրատեսակ համակարգ, նա զգալի ավանդ է ունեցել հունգարական երաժշտական արվեստի դարգացման գործում: Մահացել է 1917 թ.:

Դուհան: Կամ Դուհա: Եղել է XVIII–XIX դդ. Հունգարիայի անվանի բժիշկներից մեկը:

Զասասյան Մարտինոս: Ասլրել է XIX դ., եղել է Բուդապեշտի համալսարանի ուսուցիչ և վարիչը, հմուտ բժիշկ և անվանի անձնավորություն:

Էնդվեշ Ավգոստինոս: Իսկական ազգանունը եղել է Ոսկերիչյան: XIX դ. եղել է Հունգարիայի գիտությունների ակադեմիայի անդամ:

Թուրչայյան Հովհաննես: XIX–XX դդ.: Աշխատել է Կոլոժվարում:

Իշչեկուց Բելա: Հունգարիայի գիտությունների ակադեմիայի անդամ: 27 երկրների ազգային ակադեմիաների պատվավոր անդամ:

Լենկելյան Անդրեաս: XIX–XX դդ.: Աշխատել է Սողոմար-Նեմեդիում:

Լեպհոչչեկ Իոթեֆ: Բժշկություն և վիրաբուժության ինստիտուտի անատոմիայի պրոֆեսոր:

Կորբուլի Զաքարիա: Իսկական ազգանունը եղել է Քորբուլի: Եղել է XVIII–XIX դդ. Հունգարիայի անվանի բժիշկներից մեկը:

Մալի Իշովան: Գրվել է նաև Ատեֆան Մալի: Իսկական անունը՝ Ստեփան Մալիյան: Ծնվել է 1830 թ. հոկտեմբերի 21-ին, Հունգարիայի հայաշատ Սամոշույվար (այժմ՝ Գեռլա) քաղաքում: Նախնական կրթությունը ստացել է էորտեոնկեոչ-Ֆյուլգեչի գյուղում: 1837 թ. սովորել է Ամոշույվարի Պենսլի դպրոցում: Հետագայում ուսանել է վարպետ Զաքարի մոտ: 1840–45 թթ. սովորել է Բեստերցեի (այժմ՝ Բիստրիցա) Պիուրիստների դիչերթիկ վարժարանում, 1845–47 թթ.՝ Կոլոժվարի բարձրագույն դպրոցում (լիցեյում): 1847 թ. ընդունվել է Պեշտի համալսարանի բժշկական բաժինը, որպես ուսանող-ունկնգիր: 1853–54 թթ. սովորել է Վիեննայի համալսարանի բժշկական բաժնում: 1855–56 թ. վերագարձել և շարունակել է ուսուցչի Պեշտի համալսարանի բժշկական բաժնում և ավարտելով այն, ստա-

ցել բժշկության գոկտորի տիտղոս: 1856–58 թթ. բնակվել է Մոզ քաղաքում: 1858 թ. ծնողների հետ տեղափոխվել է Կոլոժվար: Ունեցել է պրոֆեսորի կոչում: Եղել է Հունգարիայի անվանի բժիշկներից մեկը: Զբաղվել է համաճարակաբանության խնդիրներով: Եղել է «Արմենիա» հունգարերեն հայագիտական հանդեսի (1887–1907) հովանավորներից և հիմնական աշխատակիցներից մեկը: այդտեղ տպագրել է իր հոդվածների մեծ մասը: Գրել է հունգարերեն մի շարք հոդվածներ հայ ժողովրդի պատմության և մշակույթի հետ կապված հարցերի մասին: 1906 թ. Կոլոժվարում տոնել է իր բժշկական գործունեության 50-ամյա հոբելյանը: Մահացել է 1908 թ., Բուդապեշտում:

Յակաբհազի Զիգմունդ: Եղել է Հունգարիայի անվանի դեղագործներից մեկը:

Նովագյան Գեորգ: XIX–XX դդ.: Աշխատել է Մարամորուշ Սիկեդիում որպես արքունական դանձուն բժիշկ:

Չառուշ Մարտոն Կրիշտոֆ: Գրվել է նաև Մարտինոս Չավուշ կամ Չառու: Իսկական ազգանունը եղել է Չառուշյան կամ Չառուսյան Մարտինոս Խաչիկի: Ծնվել է 1796/97 թ. օգոստոսի 8-ին, Հունգարիայի Սաթմար գավառի Ֆելսաբանիա (Ֆելչեո-Պանեա) քաղաքում, XVIII դ. կեսերին Տրանսիլվանիայից Հունգարիա գաղթած մանրավաճառ Խաչիկ Չառուսյանի ընտանիքում:

Նախնական կրթությունը ստացել է Նոկյ-Վարոտ քաղաքում: Հետագայում սովորել է Նոկյ-Վարոտի արքայական համալսարանի փիլիսոփայության դասընթացում: 1820/23 թ. ավարտել է Պեչտի/Նոկյ-Վարոտի արքայական համալսարանի բժշկական բաժինը և ստացել բժշկության դոկտորի տիտղոս: Սկզբում բնակություն է հաստատել Պեչտ քաղաքում: 1820–23 թթ. զբաղվել է ներքին օրգաններում արյան շրջանառության ֆունկցիաների ուսումնասիրությամբ: 1824–30 թթ. ընտրվել է բժշկական ակադեմիայի քարտուղար, իսկ 1831–34 թթ.՝ դեկան: Զբաղվել է գործնական բժշկությամբ և մանկավարժությամբ: Հեղինակել է ազգային «Անատոմիական լեքսիկոնը»: 1831 թ. եվրոպական մի շարք երկրներում, այդ թվում և Հունգարիայում մոլեգնած խոլերայի համաճարակի ժամանակ բժիշկների մի փոքրիկ խմբի հետ պայքարել է համաճարակի դեմ և փրկել հազարավոր մարդկանց: Գրել է վիրաբուժության և հիգիենայի վերաբերյալ արժեքավոր մի շարք աշխատություններ, որոնք իրենց տեսակի մեջ մինչև այսօր հույժ կարևոր են: 1834 թ. տեղափոխվել է Վիեննա և որպես դեկան ղեկավարել տեղի համալսարանի բժշկական ֆակուլտետը: 1838–44 թթ. հանդիսացել է Պեչտի համալսարանի բժշկական բաժնի նկարագրական անատոմիայի պրոֆեսորի փոխանորդ, իսկ 1844 թ.՝ պրոֆեսոր: 1859 թ. արքունական խորհրդականի տիտղոսով անցել է վաստակած հանգստի: Երբեք չի կտրվել հայկական համայնքի կյանքից: Հաճախ շրջագայել է Տրանսիլվանիայի հայաբնակ ավաններում ու քաղաքներում: Մահացել է 1860 թ. սեպտեմբերի 11-ին:

Զիֆարյան Փրանիկիկոս: Գրվել է նաև Զիֆրա կամ Ցիֆր Յրանց: Իսկական ազգանունը եղել է Զիֆարյան կամ Զարդարյան: Եղել է Հիրդլի երևելի աշակերտը և հռչակավոր անդամաղնին (անատոմ), XIX դ. Հունս-

յարիայի անվանի բժիշկներից մեկը: 1860 թ. եղել է Հունգարիայի Կոլոժվար քաղաքի համալսարանի նկարագրական և տեղագրական անատոմիայի պրոֆեսոր: Հիմնադրել է համալսարանի անատոմիական թանգարանը, մի քանի տարի քաղաքում պատրաստել բազմաթիվ ուսումնական ցուցանմուշներ: Հունգարիայի առողջապահության նախարարի հրամանով, առանձնահատուկ ծառայությունների համար, նրան միանվագ վճարվել է 400 գուլդեն և տարեկան ևս 155 գուլդեն: Մի քանի տարի անց նրան հատկացվել է ևս 800 գուլդեն՝ «արտասահմանյան հանրահայտ անատոմիական ինստիտուտներ այցելելու և այգտեղ ստացած գիտելիքները հայրենական գիտություն օգտին ներգնելու և կիրառելու համար»:

Ռոշ Սամվել: 1770 թ. Հունգարիայի թագուհի Մարիա Թերեզան Նագիսուսթաթի (Տիրնաու) հունգարական համալսարանում հիմնել է Հունգարիայում առաջին բժշկական բաժինը, որը 1777 թ. տեղափոխվել է Բուդա: Այս րաժնի դասախոսական կազմը համարյա ամբողջությամբ բաղկացած էր ավստրիացիներից: Միակ հունգարացի գասախոսը եղել է հայագրի Սամվել Ռոշը:

Սենտ-Դյերդյի Ալբերտ: Իոթեֆ Լեպոչոշեկի թոռն է: 1917 թ. ավարտել է Բուդապեշտի համալսարանը: 1922–27 թթ. աշխատել է ԱՄՆ-ի Մեյի կլինիկայում: 1927 թ. վերադարձել է Հունգարիա: 1928 թ. դառնալով էքստրադոկտոր և կատարել մի շարք հայտնագործություններ: Պաշտպանել է գիտական թեզ: Դասավանդել է Հունգարիայի տարրեր համալսարաններում: 1932 թ. կատարել է նոր հայտնագործություն կենսաքիմիայի բնագավառում: 1937 թ. արժանացել է Նոբելյան մրցանակի: 1944 թ. մասնակցել է Հունգարիայի Դիմագրություն շարժմանը: 1947 թ. Մկանների ուսումնասիրությունների ինստիտուտի Ծովային կենսաբանության լաբորատորիայի հրավերով տեղափոխվել է ԱՄՆ:

Վերվար Գուստավ: Իսկական անունը եղել է Վրդարյան Գուստավոս: Եղել է XIX դ. Հունգարիայի անվանի բժիշկներից մեկը: Ունեցել է պրոֆեսորի կոչում: Եղել է Հունգարիայի Դեբրեցեն քաղաքի բժշկական ինստիտուտի քիթ-կոկորդ-ակտնջի հիվանդությունների ամբիոնի վարիչը: Եղել է նաև Սամոզվարիի անվանի գիտնական-կուրորտաբան, Բուդապեշտի մերձակա Մորկիգ-Սիկեգի տաք հանքային ջրերի բժիշկը: Մեծ ավանդ ունի հունգարական կուրորտաբանության և բալնոթերապիայի զարգացման գործում:

Վերվար Դյորգ: Իսկական անունը եղել է Գեորգ կամ Գևորգ Վրդարյան: Ծնվել է 1805 թ., եղել է XIX դ. Հունգարիայի ամենահայտնի բժիշկը: Հանդիսանում է Վրդարյան տոհմի հիմնադիրը: Բժշկական կարիերան սկսել է 1830-ական թվականներից: Արդեն 1845 թ. փոխարինել է Հուգակավոր Իշտվան Սաբոին: Եղել է Կոլոժվարի (ներկայումս Ռումինիայի Կլուժ քաղ.) Բարձրագույն ուսումնական բժշկական ինստիտուտի պրոֆեսոր: Ունեցել է դասավանդման անզուգական շնորհք: Ղեկավարել է ընդհանուր բժշկության ամբիոնը, կարդացել դասախոսություններ կենդանաբանության, դատական բժշկության և լեթարգիայի դասընթացներում: Զբաղվել է կանանց հիվանդություններով և դատական բժշկության խնդիրներով: Մեծ ավանդ ունի Հունգարայում դատական բժշկության կազմա-

կերպման, բուհական ուսուցման և զարգացման գործում: Հեղինակ է դատական բժշկության վերաբերյալ մի շարք անտիպ աշխատությունների: Մահացել է 1854 թ. որովայնային տիֆից:

Վերգար Յանոշ: Իսկական անունը եղել է Վրզարյան Հովհաննես: Եղել է XIX դ. Հունգարիայի Գեռլա քաղաքի անվանի պրակտիկ բժիշկներից մեկը: Ունեցել է բժշկապետի պաշտոն: Եղել է Հունգարիայի Կոլոժվար քաղաքի համալսարանի սանիտարիայի պրոֆեսոր: Արժանացել է մեծ անանձնաշնորհների և պատիվների:

Վոլֆյան Աստվածատուր: XIX–XX դ.: Աշխատել է Եղիսաբեթուպոլսում:

Փոփովիչ Անդրեաս: Ծնվել է 1809 թ. Հունգարիայի (հետագայում՝ Ռուսիայի) Սուչավա քաղաքում, բնիկ հունգարահայ ընտանիքում: Նախնական կրթությունը ստացել է ծննդավայրում: 1827 թ. ավարտել է Պեշտի վարժարանը: 1827–1831 թթ. սովորել և ավարտել է Պեշտի համալսարանի բժշկական բաժինը: 1831–38 թթ. ապրել և աշխատել է Մոլդովայի Եաշի քաղաքում: 1838 թ. բարեկամների խորհրդով տեղափոխվել է Կ. Պոլիս և բնակություն հաստատել Հասքեոյում: 1850 թ. Հ. Մյուհենտիսյանի տպարանում հրատարակվել է նրա «Արուեստ երկարակեցութեան» գիրքը (400 էջ), որը հետագայում աշխարհաբարով հրատարակվել է երկրորդ անգամ: 1852 թ. ամուսնացել է և ունեցել որդի և դուստր: 1856 թ. ընտրվել է Կայսերական բժշկական ընկերության անդամ: Մահացել է 1858 թ. դեկտեմբերի 29-ին, Հասքեոյում և թաղվել տեղի գերեզմանատանը:

Փոփովիչ Էմմանուել: Ծագումով հունգարահայ է: Անդրեաս Փոփովիչի եղբորորդին է: Եղել է բժիշկ Ռուսիայի Ֆոքչան քաղաքում:

Ֆեհերյան Դավիթ: Ազգանունը գրվել է նաև Ֆեհեր տարբերակով: Իսկական ազգանունը եղել է Ճերմակյան: Ապրել է XIX դարավերջին և XX դ. սկզբին, աշխատել Ճուրճով Սենդ Միքլուշիում:

#### Օգտագործված գրականություն

1. Ա. Ա ը Ր ա հ ա մ յ ա ն. Համառոտ ուրվագիծ հայ գաղթավայրերի պատմության. Երևան, 1964:
2. «Առողջապահություն». Երևան, 1972, № 4:
3. «Առողջապահություն». Երևան, 1981, № 1:
4. Ա. Բ ա խ չ ի ն յ ա ն. Հայագրի գործիչներ. Երևան, 2002:
5. Թ ե ո դ ի կ. Ամենուն տարեցույցը, 1907–1929:
6. «Հայրենիքի ձայն», Երևան, 19. IV. 1972:
7. «Հանդէս ամսօրեայ», Վիեննա, 1906, № 4:
8. «Հանդէս ամսօրեայ», Վիեննա, 1906, № 7:
9. Հայկական համառոտ հանրագիտարան. հ. 1–3, Երևան, 1990–2000:
10. Հայկական սովետական հանրագիտարան. հ. 1–12, Երևան, 1974–1986:
11. Ա. Մ ե գ պ ու ը յ ա ն. Հայ և ծագումով հայ բժիշկներ. Ատամբուլ, 1950:

12. Մ. Պոտոլբեան. Հայ Հանրագիտակ. գիրք Ա-Ե. Պուքրեշ, 1938-1940:
13. Գ. Սահփանյան. Կենսագրական բառարան. Հ. 1-3. Երևան, 1973-1990:
14. Ն. Տէր-Միքայէլեան. Նշանավոր Հայագրի մարդիկ. Պէյ-րութ, 1988:
15. Ա. Փաշայան. Տիտղոսակիր Հայեր. 15-19-րդ դարեր, Երևան, 2001:
16. С. А р у т ю н я н и др., Я – армянин. Ереван, 2000.
17. Л. О г а н е с я н. История медицины в Армении, т. 4. Ереван, 1946.